

TITUL I
DISPOSIZIONS GJENERÂLS

ART. 1

Ogjet e interpretazion

Chest regulament, tal rispjet dai principis fissâts de leç e dal Statût Provinciâl, al dissipline la organizazion e il funzionament de Zonte provinciâl.

Se tal cors des adunancis si presentin situazions che no son disciplinadis de leç, dal Statût e di chest regulament, la decision le adote il President de Provincie, apene che al à sintût il parê dal Segretari Gjenerâl.

ART. 2

Sede des adunancis

Pal solit la Zonte si da dongje tune sale prontade di pueste de Provincie.

Il President de Provincie al stabilis che la Zonte si dedi dongje tun puest diferent de sede provinciâl, se propit la sede stesse no pues jessi disponibil, o par resons particolârs o par acjadiments che a vuelin la Zonte tai puescj interessâts.

ART. 3

Dimissions

Lis dimissions dal incaric di Assessôr a van indreçadis al President de Provincie e presentadis al protocol dal Ent.

No puedin jessi ritiradis, nol covente cjapânt at e a van subit in vore.

Il President al proviôt a sostituî l'Assessôr dimissionari e a visâ il Consei tal cors de sedude subit seguitive.

**TITUL II
FUNZIONAMENT**

Cjâf I

ART. 4

Propuestis e ordin dal dì

L' ordin dal dì lu formule il President de Provincie almancul 24 oris prin de dì de convocazion. Tal ordin dal dì di someti al esam de Zonte a son iscritis lis propuestis di deliberazion, cui parês e cu lis attestazions previodûts par leç, e ancje lis praticjis ben istruidis, vistadis dal Dirigjent e dal Assessôr competents e dipuesitadis li de Segretarie Gjenerâl de Provincie almancul 24 oris prin de dì fissade pe convocazion.

La Zonte e pues decidi di cjavâ in esam ancje propuestis di deliberazion e praticjis no scritis tal ordin dal dì, se a son urgjentis.

ART. 5

Convocazion

La convocazion de Zonte le dispon il President de Provincie. Se al mancje lui, il Vice President le convoche tal so puest.

La Zonte si da dongje ogni setemane, tune di stabilide dal President de Provincie, cence bisugne di nissun avîs.

La Zonte si pues dâ dongje ancje in zornadis diferentis di chê stabilide dal President; ta chest câs, ogni component al à di ricevi un avîs di convocazion a mieç di telegram, di fax o di altri mieç informatic, telematic o par telefon.

REGOLAMENT DE ZONTE PROVINCÎÂL

Cjâf II

ART. 6

Compits

La Zonte e esercite in forme colegjâl i compits che i spietin. E lavore a mieç di deliberazions colegjâls.

Lis sedudis no son viertis al public ma la Zonte, par materiis specifichis o par argoments scrits tal ordin dal di, e pues ameti in audizion personis che no fasin part dal Coleç.

ART. 7

Segretarie e verbalizazion

Aes sedudis de Zonte provinciâl al cjape part il Segretari Gjenerâl. Se al mancje, lu rimplace il Vice Segretari Gjenerâl.

Il Segretari Gjenerâl, o il so vicjari, a puedin fâsi judâ di chei altris impiegâts de Provincie.

Il Segretari Gjenerâl al à compits di consulence, di assistence e chês altris funzions previodudis dal so *status* juridic.

ART. 8

Votazions

La votazion e je pal solit palese e par alçade di man.

I Assessôrs no puedin cjapâ part ni a la discussion ni a la votazion tai câs previodûts de leç e no vegnin contâts tal numar che al covente par che la adunance e sedi valide.

Cui che al declare di astignîsi al ven contât par rindi valide la adunance ma no tal numar dai votants.

REGOLAMENT DE ZONTE PROVINCIAL

In câs di paretât si ten buine la propueste che e à vuadagnât il vôt dal President.